

VISOKA ŠKOLA "CEPS - CENTAR ZA POSLOVNE STUDIJE", UL. JOSIPA BANA JELAČIĆA BB, 71250 KISELJAK, BOSNA I HERCEGOVINA, ZASTUPANA PO DIREKTORU, PRED. VŠ MIRZO SELIMIĆ

I

SPECIJALISTIČKA ORDINACIJA ZA OPĆU I KOŠTANU HIRURGIJU "DR DIZDAR", ULICA PAROMLINSKA 5/P, SARAJEVO, BOSNA I HERCEGOVINA, OIB: 4301819050001,
ZASTUPANA PO DIREKTORU PRIM. MR. SCI. DR ADNAN DIZDAR,

ZAKLJUČILI SU

SPORAZUM O AKADEMSKOJ, NAUČNOJ I POSLOVNO - TEHNIČKOJ SARADNJI

Član 1.

- 1) Ovaj Sporazum zaključuje se radi stručne, naučne i svake druge saradnje između Visoke škole "CEPS – Centar za poslovne studije" iz Kiseljaka (Bosna i Hercegovina) i Specijalističke ordinacije za opću i koštanu hirurgiju "dr Dizdar" iz Sarajeva (Bosna i Hercegovina).
- 2) Zajednički cilj potpisnika ovog Sporazuma je podsticanje saradnje, stručnog i naučno – istraživačkog rada, kao i unapređenje kvaliteta visokoškolskog obrazovanja.

Član 2.

Potpisnici ovog Sporazuma prihvataju saradnju u naučnim i stručnim područjima od obostranog interesa.

Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. ohrabrvanje i drugih akademskih projekata i aktivnosti upućenih, prema drugim akademskim partnerima i ostalim izvorima finansiranja neprofitnih i akademskih projekata i
4. podsticanje i drugih akademskih aktivnosti za koje se obje sporazumne strane slože da su od zajedničkog interesa i koristi.

Član 4.

Ugovorne strane obostrano izjavljuju da će Specijalistička ordinacija za opću i koštanu hirurgiju "dr Dizdar" omogućiti obavljanje stručne prakse za studente Visoke škole, na studijskom programu „Zdravstvene studije“.

Član 5.

Stručna praksa studenata u Specijalističkoj ordinaciji obavljat će se po utvrđenom nastavnom planu i programu na I ciklusa studija, na studijskom programu „Zdravstvene studije“.

Član 6.

- 1) Visoka škola će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse.
- 2) Specijalistička ordinacija će studentima Visoke škole obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i sprovođenje mjera zaštite na radu i zaštite od požara prema važećim propisima.

Član 7.

Mentora stručne prakse određuje Specijalistička ordinacija, pri čemu će po mogućnosti, prednost dati zaposlenima Specijalističke ordinacije koji su angažovani na Visokoj školi.

Član 8.

- 1) Visoka škola se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema opremi Specijalističke ordinacije ponašaju sa pažnjom dobrog domaćina.
- 2) Visoka škola je odgovoran za svaku štetu koju njeni studenti pričine Specijalističkoj ordinaciji u toku obavljanja stručne prakse u prostorijama Specijalističke ordinacije.

Član 9.

- 1) Svaka sporazumna strana ima pravo Sporazum otkazati, uz obavezu da o namjeri otkazivanja pismenim putem obavijesti drugu sporazumnu stranu najkasnije 60 dana prije dana s kojim namjerava otkazati Sporazum.
- 2) Sporazumna strana koja je pretrpjela štetu zbog neispunjena obaveze druge sporazumne strane ima pravo na naknadu štete.

Član 10.

- 1) Ovaj sporazum se sklapa na neodređeno vrijeme i svaki potpisnik ga može otkazati bez navođenja razloga uz otkazni rok od 30 dana.

- 2) Pitanja međusobnog odnosa ugovornih strana koja se odnose na predmet ovoga Sporazuma, a nisu regulisana istim uređit će se posebnim izmjenama ili dopunama ovoga Sporazuma u pisanim oblicima.

Član 11.

Obje strane ovog sporazuma saglasne su da će eventualne sporove iz ovoga Sporazuma rješavati sporazumno, a ukoliko to ne bi bilo moguće ugovaraju nadležnost stvarno nadležnog suda.

Član 12.

Ovaj Sporazum sastavljen je u dva (2) istovjetna primjerka, od kojih svaka strana zadržava po jedan (1) primjerak.

Broj: 1058/19

Kiseljak, 10.05.2019. godine

